

ORDENANZAS FISCAIS E REGULADORAS DE PREZOS PUBLICOS.							
B.	Ordenanzas reguladoras de taxas.						
B.1.	Ordenanzas reguladoras de taxas pola prestación de servizos públicos.						
B.1.10	ORDENANZA	FISCAL	REGULADORA	DA	TAXA	POLA	RETIRADA,
	INMOVILIZACIÓN E DEPÓSITO DE VEHÍCULOS NA VÍA PÚBLICA E CAMIÑOS						
	ADXACENTES.						

ARTIGO 1.- Fundamento e natureza.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local, e de conformidade co disposto nos artigos 15 a 19 do R.D.L. 2/2004, de 5 de marzo, polo que se aproba o texto refundido da Lei reguladora das Facendas Locais, este Concello establece a taxa pola prestación do servizo de inmovilización, retirada e depósito de vehículos na vía pública, de acordo co previsto no texto articulado da Lei sobre Tráfico, Circulación e Vehículos a Motor e Seguridade Vial, que se rexerá pola presente Ordenanza Fiscal, que nas súas normas atende ó previsto no artigo 57 do citado R.D.L.2/2004, de 5 de marzo.

ARTIGO 2.- Feito imponible.

O feito imponible está constituído pola prestación dos servizos municipais de prestación do servizo de recepción obrigatoria da inmovilización mediante procedementos mecánicos e da retirada, traslado e depósito de vehículos que se atopen na vía pública e en terreos adxacentes.

A inmovilización, retirada, traslado e depósito de vehículos se producirá nos casos previstos na lexislación vixente e nas disposicións municipais sobre a materia.

O servizo é de recepción obrigatoria e prestarase de oficio ou en virtude dunha denuncia particular.

ARTIGO 3.- Devengo.

1.- Este tributo devengarase, nacente a obriga de contribuír, coa iniciación da prestación do servizo. Entenderase que se iniciou a prestación do servizo cando, detectado o vehículo infractor, se inicien os labores para a súa retirada, é dicir, cando sexa alzado e polo menos, unha roda do vehículo perda contacto da calzada ou chan.

Esta, nos supostos daqueles vehículos aparcados en zona prohibida ou que perturben, dificulten, obstaculicen ou causen perigo, poderá ser suspendida no caso de que o condutor infractor satisfaga no devandito momento o custo da taxa e mobilice o vehículo seguidamente a fin de que o mesmo deixe de orixinar a anomalía pola que se presta o servizo e se aplica a taxa.

Na modalidade de depósito ou almacenaxe, devéngase a taxa e nace a obriga de contribuír dende queo vehículo entra no solar ou local destinado o seu depósito.

Na modalidade de inmovilización devéngase a taxa cando se inicien as tarefas de inmovilización do vehículo na vía pública e terreos adxacente por medio dalgún procedemento mecánico que impida a súa circulación.

2.- Non estarán suxeitos á taxa de retirada, aínda que si aboarán os gastos de depósito transcorridos os tres primeiros días, os vehículos subtraídos, circunstancia que deberá acreditarse mediante a aportación da copia da correspondente denuncia formalizada.

ARTIGO 4.- Suxeitos pasivos.



La autenticidad de este documento se puede comprobar con el código 07E5000B9EE300J0S4O2S8S9D2 en la Sede Electrónica de la Entidad

FIRMANTE - FECHA

MANUEL RUIZ RIVAS-ALCALDE PRESIDENTE - 15/10/2021
 serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 15/10/2021 12:21:22

EXPEDIENTE ::
 2021APOF000005
 Fecha: 07/10/2021
 Hora: 00:00
 Und. reg: REGISTRO GENERAL

CSV: 07E5000B9EE300J0S4O2S8S9D2



1.-Son suxeitos pasivos desta taxa, en concepto de substitutos do contribuínte, as persoas físicas e xurídicas, así como as entidades ás que refire o art. 35.4 da Lei Xeral Tributaria, que sexan propietarios dos vehículos retirados.

A falta de proba en contrario, entenderase que o afectado pola prestación do servizo é o titular que figure inscrito no permiso ou licenza de circulación do vehículo.

2.-Serán suxeitos pasivos contribuíntes os condutores dos vehículos.

ARTIGO 5.- Responsables.

1.- Responderán solidariamente das obrigas tributarias do suxeito pasivo as persoas físicas ou xurídicas ás que se refiren o artigo 42 da Lei Xeral Tributaria.

2.- Serán responsables subsidiarios da débeda tributaria as persoas ou entidades que se recollen no artigo 43 da Lei Xeral Tributaria e co alcance que sinala dito artigo.

ARTIGO 6.- Cota Tributaria.

As cotas a aboar pola retirada de vehículos son as seguintes:

1.-Retirada dun vehículo automóbil turismo, furgoneta e coche de minusválidos calquera con coche-grúa: **75 €.**

2.-Retirada de vehículos automóbiles de carga ou camións e autobuses, automóbiles e vehículos especiais, maquinaria e tractores de calquera clase, remolques e semirremolques, cada un,aboaará o custo do servizo no caso de utilización de coche-grúa particular contratado, cunmínimo de **108,72 €.**

3.-Pola retirada de cada motocicleta e ciclomotor: **24,52 €.**

4.-Pola retirada de cada ciclo: **6,10 €.**

ARTIGO 7.- Gastos de depósito e inmovilización.

Depósito:

Os vehículos retirados da vía pública devengarán por cada día ou fracción de estancia no depósito municipal, despois das primeiras 24 horas, a cota seguinte:

1.-Por vehículo automóbil turismo, coche de minusválidos, furgoneta e semellantes: **18,47 €.**

2.-Por motocicleta e semellantes: **6,17 €.**

3.-Por vehículos automóbiles de carga ou camións e autobuses, automóbiles e vehículos especiais, maquinaria e tractores de calquera clase, remolques e semirremolques: **28,43 €.**

Cando o depósito non teña lugar nos almacéns ou locais municipais, repercutirase o exceso do seu custo sobre a cota sinalada anteriormente.

No caso de que non se precise o traslado de vehículo ó depósito, por facerse cargo do mesmo o suxeito pasivo antes da saída da grúa do lugar da retirada cara o depósito, percibirase o 30 % da tarifa anterior.

Inmovilización de vehículos.

a) Por vehículo automóbil turismo, coche de minusválidos, furgoneta e semellantes: **28,43 €.**

b) Por motocicleta, ciclo, ciclomotor e semellantes: **16,24 €.**

c) Por vehículos automóbiles de carga ou camións e autobuses, automóbiles e vehículos especiais, maquinaria e tractores de calquera clase, remolques e semirremolques: **81,09 €.**

Os vehículos inmovilizados devengarán por cada día ou fracción de inmovilización despois das primeiras 24 horas: **4,06 €.**

ARTIGO 8.- Xestión e recadación.



La autenticidad de este documento se puede comprobar con el código 07E5000B9EE300J0S4O2S8S9D2 en la Sede Electrónica de la Entidad

FIRMANTE - FECHA

MANUEL RUIZ RIVAS-ALCALDE PRESIDENTE - 15/10/2021
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 15/10/2021 12:21:22

EXPEDIENTE ::
2021APOF000005
Fecha: 07/10/2021
Hora: 00:00
Und. reg: REGISTRO GENERAL



CSV: 07E5000B9EE300J0S4O2S8S9D2

Trasladados os vehículos ó depósito, pola dependencia administrativa que corresponda ou polo concesionario do servizo, cursarase comunicación ó titular do vehículo para que, antes do último día hábil do mes seguinte a aquel en que reciba a comunicación, se faga cargo do mesmo e aboe o importe das taxas correspondentes, importe que deberá ser depositado no momento en que o titular ou persoa habilitada se presente a recoller o vehículo.

A saída de toda clase de vehículo almacenado no depósito, deberá ser autorizada polo axente que ordenou o ser traslado e depósito, axente que o substitúa ou persoa habilitada.

Cando se inmovilízase un vehículo mediante a utilización de cepos ou outros procedementos mecánicos similares para impedir a súa circulación ou uso, os condutores ou propietarios cando proceda, solicitarán os axentes municipais a retirada ou levantamento de inmovilización, para o cal deberán aboar previamente a taxa prevista, aplicándose o resto das normas de xestión previstas nesta Ordenanza.

Non serán devoltos os vehículos que fosen obxecto de recollida mentres non se aboase o pagamento das cotas que se establecen nesta Ordenanza, agás que, no caso de haberse interposto reclamación, fose depositado ou afianzado o importe da liquidación na contía e forma previstas no artigo 14 do R.D.L. 2/2004, de 5 de marzo, polo que se aproba o texto refundido da Lei reguladora das Facendas Locais.

ARTIGO 9.- Compatibilidade coas multas.

O pago da liquidación da presente taxa non exclúe, en maneira algunha, o das sancións ou multas que fosen procedentes por infracción das normas de circulación ou policía urbana.

ARTIGO 10.- Pagos pendentes.

Todo vehículo que fose retirado da vía pública polos servizos a que se refire esta Ordenanza, e teña pendente o pago de multas de circulación ou tráfico ou cotas do imposto sobre vehículos de tracción mecánica (antes IMCV) non poderá ser recuperado polo seu condutor ou propietario en tanto en canto non se fagan efectivos os devanditos pagos, e aqueles ós que se refire o artigo anterior.

Respecto á sanción ou multa imposta, poderá ser satisfeita voluntariamente polo interesado para a retirada do vehículo. Caso de non satisfacela, seguirase o procedemento xeral establecido na materia, con notificacións regulamentarias, indicación de recursos, etc., conforme ó disposto no Regulamento Xeral de Recadación.

ARTIGO 11.- Concertos de servizo.

O Concello poderá celebrar concerto cos garaxes do Concello para a prestación do servizo de coche-grúa e estancia dos vehículos retirados das vías públicas e terreos adxacentes.

ARTIGO 12.- Infraccións e sancións tributarias.

En todo o relativo á cualificación de infraccións tributarias, así como das sancións que ás mesmas correspondan, estarse ó disposto nos artigos 181 e seguintes da Lei Xeral Tributaria e demais normativa aplicable.

DISPOSICIÓN FINAL

A presente Ordenanza Fiscal, aprobada polo pleno do Concello en sesión de data XXXX, entrará en vigor no mesmo día da súa publicación no Boletín Oficial da Provincia e será de aplicación a partir de ese mesmo día permanecendo en vigor ata a súa modificación ou derogación expresas.



La autenticidad de este documento se puede comprobar con el código 07E5000B9EE300J0S4O2S8S9D2 en la Sede Electrónica de la Entidad

FIRMANTE - FECHA

MANUEL RUIZ RIVAS-ALCALDE PRESIDENTE - 15/10/2021
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 15/10/2021 12:21:22

EXPEDIENTE ::
2021APOF000005
Fecha: 07/10/2021
Hora: 00:00
Und. reg: REGISTRO GENERAL

CSV: 07E5000B9EE300J0S4O2S8S9D2

